

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ  
ՈՐՈՇՈՒՄ N 9/7

ք. Երևան

26 մայիսի 2022 թ.

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԲԱԿԱԼԱՎՐԻ ԵՎ ՄԱԳԻՍՏՐՈՍԻ  
ԿՐԹԱԿԱՆ ԾՐԱԳՐԵՐԻ ՄԱՍՆԱԳԻՏԱԿԱՆ ԴԱՍԸՆԹԱՑՆԵՐՈՒՄ ՀԵՏԱԶՈՏԱԿԱՆ  
ԱՇԽԱՏԱՆՔԻ ԿԱՏԱՐՄԱՆ ԿԱՐԳԸ (ՆՈՐ ԽՄԲԱԳՐՈՒԹՅՈՒՆ)» ՀԱՍՏԱՏԵԼՈՒ  
ՄԱՍԻՆ

Ղեկավարվելով «Երևանի պետական համալսարան» հիմնադրամի կանոնադրության 49-րդ կետի 4-րդ ենթակետով և Երևանի պետական համալսարանի գիտական խորհրդի կանոնակարգի 4-րդ կետի 4-րդ ենթակետով՝ Երևանի պետական համալսարանի գիտական խորհուրդը որոշում է.

1. Հաստատել Երևանի պետական համալսարանի բակալավրի և մագիստրոսի կրթական ծրագրերի մասնագիտական դասընթացներում հետազոտական աշխատանքի կատարման կարգը (նոր խմբագրություն) համաձայն հավելվածի:
2. Սույն որոշումն ուժի մեջ է մտնում հրապարակման պահից:

ԵՊՀ ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝

Հ. Վ. ՀՈՎՀԱՆՆԻՍՅԱՆ

ՀԱՎԵԼՎԱԾ

Հաստատված է  
ԵՊՀ գիտական խորհրդի  
2022 թ. մայիսի 26-ի N 9/7 որոշմամբ:

ԵՊՀ գիտական խորհրդի նախագահ՝  
Հ. Վ. Հովհաննիսյան

---

«26» մայիսի 2022 թ.

## ԿԱՐԳ

### ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԲԱԿԱԼԱՎՐԻ ԵՎ ՄԱԳԻՍՏՐՈՍԻ ԿՐԹԱԿԱՆ ԾՐԱԳՐԵՐԻ ՄԱՍՆԱԳԻՏԱԿԱՆ ԴԱՍԸՆԹԱՑՆԵՐՈՒՄ ՀԵՏԱՋՈՏԱԿԱՆ ԱՇԽԱՏԱՆՔԻ ԿԱՏԱՐՄԱՆ (ՆՈՐ ԽՄԲԱԳՐՈՒԹՅՈՒՆ)

## I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում են Երևանի պետական համալսարանի բակալավրի և մագիստրոսի կրթական ծրագրերի մասնագիտական դասընթացներում հետազոտական աշխատանքի կատարման պայմանները:

2. Հետազոտական աշխատանքը նախատեսված է տվյալ դասընթացի շրջանակում հետազոտություն կատարելու ու ներկայացնելու համար: Այն նպատակ ունի խթանելու ուսանողի անհատական և/կամ խմբային հետազոտություն կատարելու ունակությունները և նպաստելու նրա մասնագիտական հմտությունների ու կարողությունների զարգացմանը: Հետազոտական աշխատանքն իրականացվում է դասընթացի տեսական կամ գործնական պարապմունքների համար նախատեսված ժամերին և ենթադրում է դասավանդող դասախոսի խորհրդատվություն:

3. Հետազոտական աշխատանք պարունակող մասնագիտական դասընթացների ցանկը սահմանում է կրթական ծրագրի ղեկավարը, և հաստատում է ստորաբաժանման (ֆակուլտետ, ինստիտուտ, կենտրոն) գիտական խորհուրդը:

Հաստատումից հետո այն ներառվում է համապատասխան կրթական ծրագրի մասնագրում: Բակալավրի ու մագիստրոսի կրթական ծրագրերում այդ դասընթացները նվազագույնը երկուսն են, առավելագույնը՝ վեցը:

## II. ՀԵՏԱԳՈՏԱԿԱՆ ԱՉԽԱՏԱՆՔԻ ՆԿԱՐԱԳՐՈՒԹՅՈՒՆԸ

4. Հետազոտական աշխատանքը ներառվում է միայն մասնագիտական դասընթացներում:

5. Հետազոտական աշխատանքը մասնագիտական ոլորտին առնչվող, կիրառական կամ տեսական նշանակություն ունեցող ու գործնական խնդիրների լուծմանը միտված ինքնուրույն անհատական կամ խմբային հետազոտություն է: Այն անմիջականորեն առնչվում է տվյալ մասնագիտական դասընթացի առարկային ու խնդիրներին:

6. Հետազոտական աշխատանքը կատարվում է ուսանողի կամ ուսանողների խմբի (առավելագույնը՝ 4 ուսանող) կողմից՝ դասընթացը վարող դասախոսի ընդհանուր ղեկավարությամբ:

7. Հետազոտական աշխատանքը կատարվում է գիտական ու հետազոտական ժամանակակից մեթոդների կիրառմամբ: Աշխատանքի արդյունքում ստացված տվյալները վերլուծվում են, և արվում է համապատասխան եզրակացություն:

8. Հետազոտական աշխատանքը ներառում է.

- 1) դրված հիմնախնդրի ու հետազոտության նպատակի հստակ ներկայացում,
- 2) դիտարկվող հարցերի ու թեմաների վերաբերյալ գրականության հակիրճ վերլուծություն,
- 3) հետազոտական մեթոդի կամ մեթոդական համակազմի նկարագրություն,
- 4) տվյալների հավաքագրում՝ ըստ դրված խնդիրների,
- 5) ստացված արդյունքների (տվյալների) ներկայացում ու վերլուծություն,
- 6) եզրակացության ներկայացում,
- 7) գրականության ցանկ:

## III. ՀԵՏԱԳՈՏԱԿԱՆ ԱՉԽԱՏԱՆՔԻ ԳՆԱՀԱՏՈՒՄԸ

9. Դասընթացի շրջանակում կատարված հետազոտական աշխատանքի արդյունքը հաշվի է առնվում տվյալ դասընթացի արդյունարար գնահատականում որպես երկու ընթացիկ քննություններից մեկի գնահատական:

10. Հետազոտական աշխատանքը գնահատվում է ինչպես անհատական, այնպես էլ խմբային աշխատանքների կատարման արդյունքում: Վերջինիս դեպքում գնահատումն իրականացվում է դասախոսի կողմից ընտրված գնահատման մեթոդաբանությամբ:

11. Դասընթացի հետազոտական բաղադրիչի գնահատումը կատարվում է հետևյալ չափանիշներով.

1) հետազոտական թեմայի արդիականության հիմնավորում և կատարման ինքնուրույնություն,

2) ստացված արդյունքների հիմնավորվածություն ու հավաստիություն,

3) ստացված արդյունքների որակական և/կամ քանակական վերլուծություն,

4) աշխատանքի բանավոր ներկայացում,

5) համապատասխան եզրակացությունների առկայություն:

Հետազոտական աշխատանքում գրագողության հայտնաբերման դեպքում աշխատանքը գնահատվում է «անբավարար»:

12. Հետազոտական աշխատանքի գնահատումը դասընթացը վարող դասախոսի հայեցողությամբ կարող է իրականացվել այլ դասախոսների մասնակցությամբ:

13. Հետազոտական աշխատանքը գնահատելու համար ուսանողի կողմից այն բանավոր ներկայացնելը պարտադիր է:

#### **IV. ՀԵՏԱԶՈՏԱԿԱՆ ԱՇԽԱՏԱՆՔԻ ԿԱՏԱՐՄԱՆ ԺԱՄԱՆԱԿԱՑՈՒՅՑԸ**

14. Հետազոտական աշխատանք ներառող դասընթացները բակալավրի կրթական ծրագրում կարող են իրականացվել առկա համակարգի 4-7-րդ կիսամյակներում (հեռակա ուսուցման դեպքում՝ մինչև 9-րդ կիսամյակ), իսկ մագիստրոսի կրթական ծրագրում՝ սկսած 1-ին կիսամյակից:

15. Հետազոտական աշխատանքի թեմաները դասախոսի կողմից հանձնարարվում են մինչև տվյալ կիսամյակի 3-րդ շաբաթվա ավարտը:

16. Խմբային հետազոտական աշխատանք կատարելու դեպքում խմբերի կազմը հաստատվում է դասախոսի կողմից մինչև յուրաքանչյուր կիսամյակի 3-րդ շաբաթվա ավարտը:

17. Հետազոտական աշխատանքը դասախոսին ներկայացվում է տպագիր կամ էլեկտրոնային տարբերակով՝ դասախոսի հայեցողությամբ և նրա կողմից սահմանված ժամկետում:

## **Վ. ԵԶՐԱՓՈՒԿ ԴՐՈՒՅԹՆԵՐ**

18. Սույն կարգի մեջ փոփոխություններն ու լրացումները կատարվում են ԵՊՀ գիտական խորհրդի կողմից ԵՊՀ կանոնադրությամբ և ներքին իրավական ակտերով սահմանված կարգով:

19. Սույն կարգը հրապարակվում է ԵՊՀ պաշտոնական կայքում:

20. Սույն կարգն ուժի մեջ է մտնում հրապարակման պահից և կիրառման մեջ է դրվում 2022-2023 ուսումնական տարվանից: